



DALVÍKURBYGGÐ
www.dalvikurbyggd.is

STRÖNDIN, VÍKIN OG DALURINN

Atvinnuvega- og nýsköpunarráðuneyti
b.t. Hinriks Greipssonar
Skúlagötu 4
150 Reykjavík

Dalvík 6.11.2015

**Efni: Tillaga um breytingar á reglugerð nr.605/2015 vegna úthlutunar byggðakvóta
Dalvíkurbyggðar fiskveiðíárið 2015/2016.**

Sæll Hinrik.

Hér að neðan er samþykkt frá fundi atvinumála- og kynningaráðs Dalvíkurbyggðar frá 4. nóvember 2015 með tillögum um úthlutun byggðakvóta Dalvíkurbyggðar.

Eftir að hafa farið yfir málið eru niðurstöður atvinnumála- og kynningaráðs um tillögur Dalvíkurbyggðar um breytingar á reglugerð nr.605/2015 um úthlutun byggðakvóta til fiskiskipa á fiskveiðíárinu 2015/2014 eftirfarandi:

1. Viðmiðanir um úthlutun aflamarks.

4. gr. breytist þannig að í stað þess að miðað sé við landaðan afla innan viðkomandi byggðarlags á tímabilinu 1. sep. 2014 til 31. ágúst 2015 verði miðað við landaðan afla innan sveitarfélags á sama tímabili.

Þessi ósk um breytingu á reglugerðinni byggir á því að bátar skráðir í byggðarlögum Dalvíkurbyggðar hafa þurft að landa afla til vinnslu í sveitarfélaginu til að uppfylla ákvæði um úthlutun byggðakvóta. Í einhverjum tilfellum hafa bátar landað þeim afla í því byggðarlagi þar sem vinnslan er, þó þeir séu ekki þar skráðir. Ekki er talið rétt að það vinni síðan gegn aðilum þegar kemur að úthlutun á byggðakvóta að nýju.

2. Annað viðmið um úthlutun.

Auk þeirrar breytingar sem fram kemur hér að ofan um 4. gr. breytist reglugerðin einnig þannig:
30% af úthlutudum byggðakvóta skiptist jafnt á alla þá báta úr viðkomandi byggðarlagi sem sækja byggðakvóta og uppfylla að öðru leyti ákvæði 1. gr.

Ef einhver óskar eftir tilteknu magni kvóta, sem er minna en hann á rétt á samkvæmt þessu ákvæði, þá skiptast eftirstöðvar þess hluta byggðakvótans jafnt á milli hinna umsækjendanna.

70% af því sem eftir stendur að þeiri úthlutun lokinni verði síðan úthlutað miðað við landaðan afla í sveitarfélaginu, þó ekki hærra en 35% af kvóta úthlutun miðað við landaðan afla hvors báts.

Rökin fyrir þessari breytingu eru einkum þau að löndunarreynsla báta í Dalvíkurbyggð er mjög mismunandi, m.a. vegna þess að að jafnaði hefur ekki komið byggðakvóti til Dalvíkur. Það þótti því rétt, að þessu sinni, að reyna að tryggja það að allir þeir sem sækja um byggðakvóta fái eitthvað í sinn hlut þó niðurstaðan verði sú að þeir sem eru með mesta löndunarreynslu fái meira á grundvelli þess.



3. Vinnsluskylda í sveitarfélagi.

Upphaf 6. gr. reglugerðar nr.605/2015 breytist og verður: Fiskiskipum er skylt að landa þeim afla sem telja á til byggðakvóta til vinnslu innan sveitarfélagsins (í stað byggðarlaga). . . o.s.frv.

Þessi ósk um breytingu er sama efnis og undanfarin ár, þ.e. að í stað þess að fiskiskipum í Dalvíkurbyggð sé skylt að landa afla til vinnslu í því byggðarlagi sem þau eru skráð, þá sé þeim skylt að landa þessum afla til vinnslu í sveitarfélagini. Þetta er vegna þess að ekki er fiskvinnsla í öllum byggðarlögum sveitarfélagsins þó þar sé úthlutað byggðakvóta og er til þess að byggðakvótinn nýtist sem best til að efla atvinnu í sveitarfélagini.

4. Undanþága frá tvöföldunarskyldu.

Óskað er undanþágu frá tvöföldunarskyldunni, samkvæmt 6.grein reglugerðar, fyrir þau 30% sem úthlutað er jafnt samkvæmt 2. lið og 2. mgr. hér að ofan.

Þetta ákvæði er sett inn til að koma til móts við kvótalitlar útgerðir og til að efla nýliðun í greininni.

5. Jöfn skipti verði heimil.

Næsta ákvæði 6. gr. um skriflegan samning við fiskkaupanda um magn sem landað verður hjá viðkomandi vinnsluaðila, þar sem fram komi að vinnsluaðili skuldbindi sig til að vinna afinn, með áritun bærjar- eða sveitarstjórnar, breytist þannig að eftir þá setningu komi ný setning svohljóðandi: Þó eru vinnsluaðila heimil jöfn skipti á tegundum við annan vinnsluaðila og komi þá slík fyrirættlan fram í þeim samningi sem eigandi fiskisksips gerir við fiskkaupanda.

Þetta ákvæði hefur verið til umfjöllunar í atvinnumála- og kynningaráði. Nefndarmenn sjá fyrir sér mikil tormerkí á að vinnsla geti í öllum tilfellum tekið við blönduðum byggðakvótafla án þess að eiga þess kost að skipta á tegundum við annan vinnsluaðila. Ekki hvað síst á þetta við um litlar vinnslur sem hafa séhæft sig.

Ef einhverjar spurningar vakna varðandi tillögurnar þá vinsamlegast hafið samband við undirritaðan.

Virðingarfyllsi
Bjarni Th. Bjarnason, sveitarstjóri í Dalvíkurbyggð
Sveitarstjóri